



Publicaziuns officialas dils 19-07-2019

Provediment d'aua – diever d'aua da begls publics

Igl onn 2018 ei la facturaziun dallas taxas d'aua succedida per l'emprema gada tenor la lescha per il provediment d'aua ch'ei entrada en vigur culs 01-01-2018. La facturaziun nova succeda denter auter sin fundament dallas indicaziuns dils dumbraders d'aua. En ina emprema fasa ha la suprastonza communal desistiu d'incassar las taxas per spinas da curtin e begls privats sco era per il diever d'aua da begls publics.

Igl art. 19 dalla lescha pil provediment d'aua classifichescha ils begls publics sco suonda: *Ils begls publics ein ils begls sin terren communal ni ils begls sin terren privat cun caracter public ni cun muntada per il maletg dil vitg. Character public munta che pliras partidas ni gruppas d'interess (vischins, hosps e.a.v.) fan diever dil begl.*

Persunas che fan diever permanentamein da tals begls (p. ex. bugnar iert, schubergiar autos, schubergiar plazs e.a.v.) ein obligai da pargar ina taxa da consum. La suprastonza communal ha fixau la taxa annuala per il diever d'aua da begls publics sin frs. 50.--.

La suprastonza communal supplichescha las persunas che fan diever d'aua da begls publics da s'annunziar tier l'administraziun communal entochen ils 31-07-2019. La vischnaunca vegn a far controllas sporadicas. Constatescha la suprastonza communal en quei connex ch'ei vegn retratg aua senza haver annunziou alla vischnaunca vegn la taxa incassada retrocativ naven dils 01-07-2018 e plinavon instradau ina procedura da multa.

Nus supplichein per Vossa collaboraziun ed engraziein per Vossas breigias. Per damondas stat l'administraziun communal (tel: 081 920 25 00) bugen a Vossa disposiziun.

Sumvitg, 19-07-2019

Suprastonza communal

Uras d'avertura administraziun communal

L'administraziun communal resta serrada l'entschatta uost sco suonda:

- naven da mesjamna, ils 31-07-2019, allas 17.00 uras, entochen gliendisdis, ils 05-08-2019 allas 08.00 uras

Nus supplichein per enconuschientscha.

Sumvitg, 19-07-2019

Administraziun communal